

南
齊
書

10

11

12

13

志第三

南齊書十一

臣蕭子顯撰

樂

南郊樂舞歌辭二漢同用見前漢志五郊互奏之魏歌舞不見疑是用漢辭也晉武帝泰始二年郊祀明堂詔禮遵用周室肇稱殷祀之義權用魏儀後使傅玄造祠天地壽考牲歌詩一篇迎神歌一篇宋文帝使顏延之造郊天夕牲迎送神饗神歌詩三篇是則宋初又仍晉也建元二年有司奏郊廟

雅樂歌辭舊使學士博學搜簡採用請敕外凡義
學者普令製立參議太廟登歌宜用司徒褚淵餘悉
用黃門郎謝超宗辭超宗所撰多刪顏延之謝靈運
以爲新曲備改樂名永明二年太子步兵校尉伏曼
容上表宜集英儒刪纂雅樂詔付外詳竟不行
羣臣出入奏肅威之樂

黃承寶命

嚴恭帝緒

奄受敷錫

升中拓宇

亘地稱皇

聲天作主

月域來賓

日際奉土

開元首正

禮交樂舉

六典聯事

九官列序

此下除四句皆頌辭

牲出入奏引牲之樂

皇乎敬矣

恭事上靈

昭敎國祀

肅肅明明

有牲在滌

有絜在俎

以薦王衷

以荅神祐

此上四句頌辭

陟配在京

降德在民

奔精望夜

高燎佇晨

薦豆呈毛血奏嘉薦之樂

我恭我享

惟孟之春

以孝以敬

立我蒸民

青壇奄霽

翠幙端凝

嘉俎重薦

兼籍再升

誤業詳簾

展容玉庭

肇禋配祀

克對上靈

此一篇增
損謝辭

右夕牲歌竝重奏

迎神奏昭夏之樂

惟聖饗帝

惟孝饗親

此下除四句

禮行宗祀

敬達郊禋

金枝中樹

廣樂四陳

此下除八句

月御寒節

星驅扶輪

遙興遠駕

曜曜振振

告成大報

受釐元神

皇帝入壇東門奏永至之樂

紫壇望靈

翠幙佇神

率天奉贄

罄地來賓

神貺竝介

泯祗合祉

恭昭鑒享

肅光孝祀

威藹四靈

洞曜三光

皇德全被

大禮流昌

皇帝升壇奏登歌辭

報惟事天

祭實尊靈

史正嘉兆

神宅崇禎

五時昭望

六宗彝序

介丘望塵

皇軒肅舉

皇帝初獻奏文德宣烈之樂

營泰時

定天衷

思心緒

謀筮從

此下除二句

田燭置

權火通

大孝昭

國禮融

此一句改餘皆

類辭此下又除二十二句

次奏武德宣烈之樂

功燭上宙

德耀中天

風移九域

禮飾八埏

四靈晨炳

五緯宵明

膺曆締運

道茂前聲

太祖高皇帝配饗奏高德宣烈之樂此章永明

二年造奏

尚書令
王儉辭

饗帝嚴親

則天光大

鳥奔前古

榮鏡無外

日月宣華

卿雲流靄

五漢同休

六幽咸泰

皇帝飲福酒奏嘉胙之樂

聖嘉禮

承休錫

盛德符景緯

昌華應帝策

聖藹耀昌基

融祉暉世曆

言十一
聲正涵月軌

南志三
書文騰日迹

四
寶瑞昭神圖

靈貺流瑞液

我皇崇暉祚

重芬冠往籍

送神奏昭夏之樂

薦饗洽

禮樂該

神娛展

辰旆回

洞雲路

拂璇階

紫雲藹

青霄開

睠皇都

顧玉臺

留昌德

結聖懷

皇帝就燎位奏昭遠之樂

天以德降

帝以禮報

牲罇俯陳

柴幣仰燎

事展司采

敬達瑄薌

煙贄青昊

震颺紫場

陳馨示策

肅志宗禋

禮非物備

福唯誠陳

皇帝還便殿奏休成之樂重奏

昭事上祀

饗薦具陳

回鑾轉翠

拂景翔宸

綴縣敷暢

鍾石昭融

羽炫深晷

簫暄行風

肆序輟度

肅禮停文

四金聳衛

六馭齊輪

右南郊歌辭

北郊樂歌辭案周頌昊天有成命郊祀天地也

是則周漢以來祭天地皆同辭矣宋顏延之饗
地神辭一篇餘與南郊同齊北郊羣臣入奏肅
咸樂牲入奏引牲薦豆毛血奏嘉薦皇帝八擅
東門奏永至飲福酒奏嘉胙還便殿奏休成辭
立與南郊同迎送神昭夏登歌異
迎地神奏昭夏之樂

詔禮崇營

敬饗玄時

靈正丹惟

月肅紫墀

展薦登華

風縣凝鏘

神惟戾止

鬱葆遙莊

昭望歲芬

環游辰太

穆哉尚禮

橫光秉藹

皇帝升壇登歌

佇靈敬享

禋肅彝文

縣動聲儀

薦絜牲芬

陰祗以貺

昭司式慶

九服熙度

六農祥正

皇帝初獻奏地德凱容之樂

繕方丘

端國陰

掩珪畧

仰靈心

詔源委

遍丘林

禮獻物

樂薦音

此下除二十二句餘皆顏辭

次奏昭德凱容之樂

慶圖濬邈

蘊祥秘瑤

倪天炳月

嬪光紫霄

邦化靈懸

閨則風調

儷德方儀

徽載以昭

送神奏昭夏之樂

薦神升

享序楸

淹玉俎

停金奏

寶旆轉

旒駕旋

溢素景

鬱紫躔

靈心顧

留辰睠

洽外瀛

瑞中縣

座埋奏隸幽之樂

后皇嘉慶

定祇玄時

承帝休圖

祇敷靈祉

篚纂周序

軒朱凝會

牲幣芬壇

精明佇蓋

調川瑞昌

警岳祥泰

石北郊歌

明堂歌辭祠五帝漢郊祀歌皆四言宋孝武使
謝莊造辭莊依五行數木數用三火數用七土
數用五金數用九水數用六案鴻範五行一曰
水二曰火三曰木四曰金五曰土月令木數八

火數七土數五金數九水數六蔡邕云東方有
木三土五故數八南方有火二土五故數七西
方有金四土五故數九北方有水一土五故數
六又納音數一言得土三言得火五言得水七
言得金九言得木若依鴻範木數用三則應水
一火二金四也若依月令金九水六則應未八
火七也當以鴻範一二之數言不成文故有取
捨而使兩義竝違未詳以數立言為何依據也
周頌我將祀文王言皆四其一句五一句七謝

莊歌宋太祖亦無定句建元初詔黃門郎謝超
宗造明堂夕牲等辭并採用莊辭建武二年零
祭明堂謝朓造辭一依謝莊唯世祖四言也
賓出入奏肅咸樂歌辭二章

彛承孝典

恭事嚴聖

浹天奉賁

罄壤齊慶

司儀且序

羽容夙章

芬枝揚烈

黼構周張

助寶尊軒

酎珍充庭

璆縣凝會

垆朱竚聲

先期選禮

肅若有承

祗對靈祉